

«L'emprima cumparsa era fitg simpatica e cordiala»

Il decan Thomas Gottschall davart il nov papa da Roma

DA FLURIN ANDRY / ANR

■ **Er ils represchentants da la baselgia evangelica grischuna han observà cun atenziun la tscherna dal nov papa Francestg I. Il decan Thomas Gottschall davart sia emprima reacziun e sia impressiun:** «Cun tensiun hai jau observà en la televisiun co ch'il nov papa Francestg è cumparì per l'emprima giada en questa funcziun», di *Thomas Gottschall*, reverenda da Trimmis e decan da la baselgia evangelica dal chantun Grischun. Quella cumparsa l'ha parì fitg simpatica, cordiala e dattiers a la gliעד. «Era sia gesta umila, el ha supplitgà tut ils preschents dad urar per el avant ch'el dettia la benedicziun, m'ha fatg impressiun.»

Plaschair dal num tscherni

Ch'il nov papa sa numna Francestg è per il decan er in motiv da sa legrar: «Francestg d'Assisi è numnadamain il sontg che ha, era da vart protestanta, las pli bleras simpatias, quai è ina da las personalitads che collian las baselgias.» Il motiv è sco che Gottschall di la vita dal sontg: «Turnond dad ina guerra e traumatissà da quella vesa Francestg d'Assisi ch'el dovra ina nova orientaziun en sia vita, el sa retira e funda l'urden dals paders medicants.» Cun sa distanziar da l'aristocrazia ha dà Francestg d'Assisi sco che Gottschall di in signal cunter l'ierchia. «Fin oz ha



Thomas Gottschall, il decan da la Baselgia evangelica. LO

l'urden dals Franciscans la finimira da servir e da gidar.»

«Num speranza era program»

Sch'il num Francestg che Jorge Mario Bergoglio ha tschernì è era program pon ins tenor Thomas Gottschall sperar che Francestg saja in papa che n'agescha betg mo da maniera autoritara ed ierarchica: «Cun supplitgar mesemna saira dad urar per el ha'l era s'inclinà vers la blera gliעד sin la piazza, quai po era mussar ch'i sa tracta tar el d'insatgi che fa il pass vers ils cretaivels cun il giavisch da savair tge che occupescha els», di il decan, «quest inclin simbolic po signifitgar ch'el haja signalisà uschia, 'vus essas baingea de-

pendents da mai, jau però era da vus, a nus collia in liom cuminaivel'.»

Era ch'il nov papa deriva da l'Argentina fa plaschair a Thomas Gottschall: «L'America latina è il continent da la teologia da la liberaziun, causa las dictaturas ha la populaziun gì bler da patir, els enconuschan la vita en paupradad.» Ch'ins chatta al medem mument en quels pajais ina fitg gronda forza spirituala, menziunescha el, «igl è da sperar ch'i arrivia in zic da quella forza spirituala er en Europa, na per vulair savair meglier, ma en il spiert umil, adina pront per servir.»

«El ha da sorprender ina greva lezia»

Francestg ha sorprendì tenor el in'incumbensa fitg difficila: «El represchenta valurs, el represchenta ina instituziun, quai è natiralmain er adina in spagat», di il decan, «ma sch'el fa quai cun il spiert dal sontg d'Assisi empermetta quai fitg bler dialog e fitg blera avertadad, alura vegn el adesser in papa che fa era punts.» Quai ch'ins na sappia anc betg è sco ch'el cuntinuescha «quant stretgas che sias colliaziuns eran cun la 'junta' militara en Argentina.» Ins sappia ch'il nov papa represchenta la baselgia cato-lica conservativa, menziuna Thomas Gottschall, «la dumonda è quant ch'el vul avrir la baselgia en il spiert da Francestg d'Assisi – quai vegnan ins alura a vesair.»